



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno DLXXVII. ad annum DXC.

**Parisiis, 1644**

Epistola XLIII. Gregorii Papae I. Ad Fantinvm Defensorem. De Cosma Syro  
multis debitibus obligato.

**urn:nbn:de:hbz:466:1-15221**

lectione monstrauero cum qua vultis disputatione, rece-dite. Hortor vos tamen, vt dum vitæ spatiū supereſt, ab eiusdem beati Petri ecclesia, cui claves cælestis regni com-missæ ſunt, & ligandi ac ſoluendi potestas attributa, veſtra anima non inueniatur diuīſa, ne ſi hic beneficium eius de-spicitur, illuc vitæ aditum claudat. Hi autem quidubitatiōnis veſtræ participes ſunt, ſi ad me venire voluerint, nullam in me quaſi ex potestate prodeuentem violentiam perimeſcant. Nam nos licet in omnibus cauſis, in hiſta-men præcipue quaꝝ Dei ſunt, ratione magis stringere ho-mines quam potestate festinamus.

## EPISTOLA XLII.

## GREGORII PAPÆ I.

AD MAXIMIANVM EPISCOPVM SYRACVSANVM.

De clericis Bacandæ per Siciliam diſpersis.

*Gregorius Maximiano episcopo Syracusano.*

Episc. For-niensis lib.  
1. epift. 4.8.  
libro 12. ep.  
18.

**I**NDICAVIT nobis Bacanda frater & coepiscopus noster, quosdam de clero ſuo in Siciliâ partibus ad ſacros ordines perueniſſe. Qui quoniam neque presbyterum, neque diaconos ſe habere commemorat, eos ad ſe petiit debere transmitti. Proinde fraternitas tua vbi cumque illos, latore præſentium indicante, repererit, huc eos fine dilatione transmittat, quatenus & illi ad eccleſiam in qua olim mili-tauerunt reuocentur, & antedictus episcopus optatum de eis poſſit habere ſolatium.

## EPISTOLA XLIII.

## GREGORII PAPÆ I.

AD FANTINVM DEFENSOREM.

De Cosma Syro multis debitis obligato.

*Gregorius Fantino defensori.*

Ioan. diac.  
lib. 2. cap.  
55.

**L**ATOR præſentium Cosmas Syrus in negotio quod age-bat debitum ſe contraxiſſe perhibuit, quod & multis aliis & lacrymis eius attēſtantibus verum eſſe credidimus. Et quia centum quinquaginta ſolidos debebat, volui ut creditores illius cum eo aliquid paciſcerentur: quoniam & lex habet, vt homo liber pro debito nullatenus tenea-tur,

tur, si res defuerint, quæ possint eidem debito addici. Creditores ergo suos, vt afferit, ad octoginta solidos consentire possibile est. Sed quia multum est vt a nihil habente homine octoginta solidos petant, sexaginta solidos per notarium tuum tibi transmisimus, vt cum eisdem creditoribus subtiliter loquaris, rationem reddas, quia filium eius quem tenere dicuntur, secundum leges tenere non possunt. Et si potest fieri, ad aliquid minus quam nos dedimus descendant. Et quidquid de eisdem sexaginta solidis remanserit, ipsi trade, vt cum filio suo exinde viuere valeat. Si autem nihil remanet, vel ad eamdem summam debitum eius incidere stude, vt possit sibi libere postmodum laborare. Hoc tamen solerter age, vt acceptis solidis ei plenariam munitionem scripto faciant.

## EPISTOLA XLIV.

## GREGORII PAPÆ I.

AD RVSTICIANAM PATRICIAM.

Reprehendit eam a monte Sina propere rediisse.

*Gregorius Rusticianæ patriciae.*

**E**XCELENTIÆ vestræ scripta suscipiens, libenter agnoui qualiter ad montem Sina perrexit. Sed, mihi credite, ego quoque voluisse vobiscum ire, sed vobiscum minime redire. Quamvis mihi valde difficile sit credere, quia ad loca sancta fui stis, patres multos vidistis. Nam credo si vidissetis, tam celeriter ad Constantinopolitanam urbem redire minime poteratis. At postquam talis ciuitatis amor de corde vestro nullo modo recessit, suspicor quia excellentia vestra sancta quæ corporaliter vidit, ex corde minime attendit. Sed omnipotens Deus mentem vestram gratia suæ pietatis illustret, donet vobis sapere, & temporalia omnia quam sint fugitiua pensare; quia dum hæc loquimur, & tempus currit, & iudex superuenit, & mundum quem sponte volumus, ecce iam prope est, vt relinquamus inuiti. Domnum Apionem & domnam Eusebiam eorumque filias mea peto vice salutari. Domnam vero illam nutricem meam, quam mihi per literas commendatis, omnino diligo, & grauari in nullo volo. Sed tantis angustiis premimur, vt ab angariis atque oneribus hoc iam tempore nec nosmetipso excusemus.

*Concil. Tom. 13.*

CCC